

**SAMÞYKKT****um sorphreinsunargjald á Hellu árið 1987.**

## 1. gr.

Sorphreinsunargjald á Hellu fyrir hvern notanda sbr. 8. gr. samþykktar um sorphreinsun á Hellu frá 15. júlí 1987 skal fyrir árið 1987 vera kr. 2 745.

## 2. gr.

Ofangreind gjaldskrárákvörðun hreppsnefndar Rangárvallahrepps staðfestist hér með samkvæmt 22. gr. laga nr. 109/1984, um hollustuhætti og heilbrigðiseftirlit.

*Heilbrigðis- og tryggingamálráðuneytið, 15. júlí 1987.*

F.h.r.

**Ingimar Sigurðsson.**

---

*Hrafn Pálsson.***SAMÞYKKT****um sorphreinsun á Hellu.**

## 1. gr.

Rangárvallahreppur annast eða býður út alla sorphreinsun á Hellu, samkvæmt ákvæðum þessarar samþykktar og fer sorphreinsunin fram undir yfirstjórn hreppsins og eftirliti heilbrigðisfulltrúa.

## I. KAFLI

**Hreinsun á sorpi frá íbúðarhúsnæði.**

## 2. gr.

Sérhver eigandi íbúðar á Hellu er skyldur til þess að sjá svo um að við húseign hans sé sorphreinsun gerð fyrir sorppoka.

Sorppoka skal koma fyrir í grind eða skáp, enda uppfylli nefndur búnaður ákvæði byggingar- og heilbrigðisreglugerðar. Sorphreinsunarlurnar skulu vera aðgengilegar fyrir sorphirðumenn og húseigendur skulu hreinsa snjó frá sorphreinslunum á vetrum og halda greiðfærri leið að þeim svo auðvelt sé að framkvæma hreinsun. Húseigendur skulu kosta kaup sorphreinsluláta sinna, uppsetningu þeirra og viðhald.

## 3. gr.

Sorphirðumenn annast hreinsun á öllu sorpi sem er í pokum, einnig tilfallandi eðlilegum úrgangi, svo sem umbúðum af heimilistækjum og hlutum, sem rúmast illa í pokum, enda séu hlutir þessir auðveldir í meðförum fyrir einn mann.

## 4. gr.

Í sorppoka má setja algengt húsasorp, svo sem matarleyfar, umbúðir, ónýtan fatnað, blöð og pappír og affall af lóðum annað en mold, torf og grjót. Glerbrotum og öðrum oddhvössum hlutum sem hætta er á að skeri eða rífi pokana, skal pakkað inn eða gengið frá

þeim á annan tryggilegan hátt. Þókar mega ekki vera þungri en auðvelt sé að meðhöndla þá og ekki sé hætt á að þeir rifni. Gæta skal þess að fylla sorppoka ekki meira en svo að auðveldlega megi loka þeim. Sorphirðumönnum er heimilt að skilja eftir poka sem fylltir eru um of, rifnir eða svo þungir að hætt sé á að þeir rifni. Hverju húsi skal fylgja a. m. k. einn poki fyrir hverja íbúð. Í fjölbýlishúsum með sérstakar soppgeymslur sé frágangur allur með samþykki heilbrigðisfulltrúa og heilbrigðisnefnda og uppfylli ákvæði byggingarreglugerðar.

5. gr.

Sorphreinsun fer að jafnaði fram einu sinni í viku. Um stórhátíðir skal framkvæma aukahreinsun, eftir því sem við verður komið og þörf kann að vera á. Rangárvallahreppur leggur til einn sorppoka fyrir hverja viku ársins, eða jafn marga og húseigandi kann að nota að öðru jöfnu, enda greiði notandi sorphreinsigjald fyrir sama fjölda sbr. 8. gr. Aukapoka má fá keypta í verslunum.

6. gr.

Rangárvallahreppur rekur sérstaka sorphauga (sorphauga). Skal sorphaugi vera opin ákveðinn tíma í viku hverri eftir því sem hreppsnefnd ákveður. Þeir sem þurfa að losna við sorphaug umfram það sem segir í 4. gr. og 5. gr. skulu annast flutning á því á eigin kostnað nema um annað sé samið.

## II. KAFLI

### Hreinsun á sorpi vegna atvinnustarfsemi.

7. gr.

Aðilum, sem hafa með höndum starfsemi, sem krefst tíðari og viðameiri sorphreinsunar en um getur í 2. 3. og 4. gr. þessarar samþykktar, ber sjálfum að annast og kosta þá sorphirðu. Allur flutningur á vegum einstaklinga og fyrirtækja á sorphauga Rangárvallahrepps skal framkvæmdur eftir ströngustu fyrirmælum starfsmanna hreppsins og þrífnaður hafður í hávegum. Þau fyrirtæki sem hafa gáma í stað poka skulu haga gerð og útbúnaði gámanna í samráði við sorphreinsunaraðila sbr. 1. gr. í hverju tilviki fyrir sig. Gámar þeir sem notaðir verða metast sem ákveðin mörg pokagildi og greiðir viðkomandi fyrir þann fjölda sbr. 8. gr.

## III. KAFLI

### Sorphreinsigjald, kvartanir og brot gegn samþykkt þessari.

8. gr.

Almenn sorphirða húsasorps sbr. 5. gr. þessarar samþykktar greiðist af sveitarsjóði þó skal hreppsnefnd heimilt að leggja á sorphreinsunargjald eftir nánari ákvörðun hverju sinni er miðist við fjölda þeirra sorpgrinda/skápa, er húseigandi notar. Sorphreinsigjald sem hreppsnefnd ákveður í sérstakri gjaldskrá, sem heilbrigðismálaráðherra staðfestir skal lagt á með fasteignagjöldum og innheimt með þeim. Sorphreinsigjald verði aldrei hærra en sannanlegur kostnaður við sorphirðu.

9. gr.

Hafi húseigandi fram að færa kvörtun vegna sorphirðunnar skal hann koma slíkri kvörtun til starfsmanna hreppsins eða heilbrigðisfulltrúa.

10. gr.

Brjóti húseigandi ákvæði samþykktar þessarar um meðferð og geymslu sorps skulu sorphirðumenn tilkynna það til skrifstofu Rangárvallahrepps, sem skora skal á húseigandann að bæta ráð sitt. Bæti húseigandi ekki úr innan ákveðins tíma eru sorphirðumenn ekki

skyldugir til að taka sorp hjá viðkomandi fyrr en úr hefur verið bætt. Sé um brot á lögum um hollustuhætti og heilbrigðiseftirlit að ræða skal skrifstofa Rangárvallahrepps tilkynna það heilbrigðisnefnd, sem gera skal viðeigandi ráðstafanir.

11. gr.

Sorphreinsunarmönnum ber að haga störfum sínum á þann hátt að það valdi húseigendum sem minnstum óþægindum. Þeim er óheimilt að hnýsast í sorppoka eða hirða úr þeim muni.

12. gr.

Með brot á samþykkt þessari skal farið að hætti opinberra mála og í samræmi við lög nr. 109/1984 um hollustuhætti og heilbrigðiseftirlit.

#### IV. KAFLI

13. gr.

Ofangreind samþykkt hreppsnefndar Rangárvallahrepps staðfestist hér með skv. 22. gr. laga nr. 109/1984 um hollustuhætti og heilbrigðiseftirlit til þess að öðlast þegar gildi við birtingu.

*Heilbrigðis- og tryggingamálaráðuneytið, 15. júlí 1987.*

F.h.r.

**Ingimar Sigurðsson.**

*Hrafn Pálsson.*

## AUGLÝSING

### um umferð í Kópavogi

Samkvæmt heimild í 65. gr. umferðarlaga nr. 40, 23. apríl 1968 og að fengnum tillögum bæjarstjórnar Kópavogs, eru hér með settar eftirfarandi reglur um umferð í Kópavogi.

1. gr.

Biðskylda verði á allar aðliggjandi húsagötur að Sæbólsbraut, aðalgötu.

2. gr.

Biðskylda verði á allar aðliggjandi húsagötur að Marbakkabraut, aðalgötu.

3. gr.

Biðskylda verði á Marbakkabraut gagnvart Sæbólsbraut.

4. gr.

Biðskylda verði á Álfaheiði gagnvart Álfhólsvegi.

5. gr.

Biðskylda verði á Vesturvör gagnvart Kársnesbraut.

Reglur þessar eru settar samkvæmt heimild í 2. mgr. 65. gr. umferðarlaga nr. 40, 23. apríl 1968, og koma til framkvæmda þegar í stað.